

## QVÆSTIO MEDICA

MATVTINIS DISPUTATIONIBVS AGITANDA IN SCHOLIS

Medicorum, die Iouis 14. Aprilis, M. Iacobo Leto Doctore  
Medico, Moderatore.*An Hydropi id est pleuritidis.*

HEMATOSIS propria actio hepatis: Nutritio propria & Communis: idem Calor actionum omnium causa: idem sanguis totius corporis alimentum. Quale hepar, tale totum corpus, si temperatum hepar, reliquæ partes temperatæ & contrà: Omnis intemperies nata est impedire actionem, qua quocumque modo præter modum impedita, non iam amplius hepar *αἷμα ποιεῖν*, sed aquarum & flatuum fons habetur.



INCORHORS malorum: hæc quippe intemperies si cum materia, ea vel est in ipsa substantia hepatis, unde scirrhus, aut oedema; vel in vasis, & obstructionem facit; & si in meatu Cystis, nascitur icterus flauus, si in splenis, icterus niger: si in radicibus venæ cavae, atrophia; si è venis hepatis omnibus materiæ transcolatio sensim fiat in spatium inter peritonæum & intestina, hydrops emergit.



HYDROPS etenim nihil aliud est, quàm abolita sanguificatio, non morbus, sed symptoma hepatis male affecti; nam hydropis causa omnis est, vel intemperies hepatis quælibet (non frigida tantum, ut vulgo putatur) vel obstructio vel scirrhus; idque vel per se, vel per consensum cum alijs partibus, ut cum Liene, Renibus, Mesenterio, utero, pulmone, & cæteris.



ED quid? hepar ergo pro sanguine serum: pro spiritu naturali flatum gignit. Seri autem collectio in abdomine ascites dicitur ab utris figuræ: Effusio in habitum corporis, & alia spatia Carnosarum partium, Leucoplegmatia; flatus in abdomine conclusus facit tympanitem, quia percussus instar tympani sonum edit: Ascites tamen & tympanites Hippocrati non differunt.



QVOD ad therapiam hydropis, operæ precium est causam considerare, an morbus sit intemperies, an obstructio, an scirrhus, deinde si affectus sit inueteratus an incipiens; si incipiens, non alia curatio ineunda est, quàm intemperiei, obstructionis & scirrhi, per alterantia, aperientia, incidentia, cathartica, phlebotomiam, corroborantia, & hypochondriaca topica, eadem quæ simplicibus affectibus solent adhiberi: at si hydrops fuerit confirmatus, quis locus hisce remedijs (nisi forte ad dulcedinem mortis) non modo in ascite & Tympanite, sed & in anasarca esse potest, nedum hidroticis: quæ licet aliquomodo possint serum in habitu corporis resoluerè, tamen perennem aquarum & flatuum generationem impedire nequiquam possunt: imo retro, contraque, siue assumantur, siue admoveantur, calorem natium & humorem primigenium reliquum repente consumunt, & ipsius hepatis parenchymatis *τὸν* dirimunt.

*Ergo Hydropi An id est pleuritidis.**Proponebat FRANCISC. LE SAGE, Paris. Anno Domini 1611.*